

الخصوص الإدارية والتي تختص بالقرارات الإدارية التي بتطلع من السلطة التنفيذية ٠٠٠ والدستورية التي بتحاكم القوانين التي بتطلع من مجلس الشعب وتراقب إن كانت هذه القوانين ماشية مع الدستور ولا لأ ٠٠٠ شفتي أد إيه الدستور مهم) ٠٠٠ والمحاكم هي التي لما أي حد بيحس أن حقه بيتعرض للخطر، سواء من أفراد أو من الدولة نفسها بيلجأ لها ويقدم لها مستندات حقوقه ويطلب منها تحكمه بيه، والمحاكم بعد ما تتأكد من أن له حق بتعبر عن ده عن طريق إصدار حاجة اسمها حكم، والحكم ده بعد ما يصدر من المحكمة ممكن يطعن عليه أمام محكمة برده بس بدرجة اعلي ولما يصدر حكم من الدرجة الأعلى بيتنفذ علي أي حد صدر ضده الحكم حتى لو الحكومة نفسها وبكده تكون منظومة الدولة مكتملة بس فاضل سؤال هو لو سلطات الدولة دي جارت علي بعضها يحصل إيه ولا مجلس الشعب طلع قانون مخالف للي الناس عاوزاه ومتفق عليه ولو حد مس حق من الحقوق الأساسية يحصل إيه مش لازم يبقى فيه حاجة تنظم الأمور دي كلها .....؟؟؟؟؟؟ آه فيه الدستور .

### س ٥ : إيه هو الدستور ؟

الدستور هو العقد الاجتماعي اللي الشعب كله بيقدد مع بعض عن طريق ممثلين له اسمهم (الجمعية التأسيسية) ويكتبوه، والعقد ده بيتضمن بنود خاصة بشكل الدولة ونظامها السياسي ونظام الحكم فيها، وبتحدد حدود كل سلطة من سلطات الدولة الثلاثة واختصاصات وحدود رئيس الدولة، وبيتفقو فيه علي إيه الحقوق الأساسية لأفراد الدولة اللي محدش يقدر يعتدي عليها ..... وفي النهاية الدستور ده أو العقد ده لما الناس بنتفق عليه بيصدر ويبقى

بيصدر ويبقى هو عمدة القوانين، يعني ما يقدرش قانون أو قرار أو لائحة أو أي تصرف للدولة عموماً يصدر بالمخالفة ليه، وإلا يتحكم فوراً بعدم دستوريته ( يعني إعدامه ) وبكده نكون أخذنا فكرة سريعة ومبسطة عن بعض المصطلحات السياسية، اللي أكيد بعد معرفتنا ليها أكثر مشاركتنا السياسية هنكون أفضل وعلي دراية أكثر .

### أى أسئلة ...

...

## سؤال وجواب

عن

## المرأة والمشاركة السياسية



المجلس القومي للمرأة



المجلس القومي للمرأة

١٥ شارع محمد حافظ

متفرع من شارع الثورة - المهندسين - الجيزة

ت : ٣٧٦٠٣٥٨١ - ٣٧٦٠٣٥٢٩ ف : ٣٧٦٠٣٥٠٨

E-mail : ncw@ncwegypt.com

Website : www.ncwegypt.com

الإدارة العامة للتدريب

E-mail : training\_ncw@hotmail.com

## س ١ : إيه هي السياسة ؟

فيه ناس بتقول إن علم السياسة اتولد في قصور الحكم، وفي رأيي إن السياسة اتولدت في البيوت برعاية السيدات.

فالساسة ببساطة هي إنك تقدري تأثري علي مجتمع معين توجيهه لسلوك معين، يعني تخليه يعمل اللي انتي عاوزاه وشايفاه صح من وجهة نظرك.

أظن بعد التعريف ده انتو معايا إن الستات هما أساتذة علم السياسة، طيب نطبق ده إزاي علي مستوى الدولة ؟ في كل دولة بتلاقي مجموعة من الناس سواء متجمعين مع بعض في شكل مجموعة سياسية. أو أفراد بيقو شايفين أو لهم رأى في إدارة الدولة، وعاوزين ينشروا رأيهم ده ويبقي هدفهم في النهاية إنهم يوصلوا لحكم البلد علشان يطبقوا أفكارهم- بس الناس دي في الغالب ما بيقوش لوحدهم لأن فيه ناس تانية بنفس الطريقة عندهم أفكار تانية وتالفة... إلى آخره، ومن هنا بتظهر فكرة الأحزاب بحيث تبقى كل مجموعة من الناس دي تحاول تفرض رأيها لحد ما حزب منهم يوصل للحكم إما لوحده أو بالمشاركة مع أحزاب تانية حسب ما الناس تختار **و كلمة تختار دي هي مربوط الفرس** فعملية الاختيار أو بمعنى ادق (الانتخابات) دي هي العملية اللي بيوازن فيها الناس بين أفكار الأحزاب السياسية المتصارعة وتختار منها الأفضل من **وجهة نظرها** وتروح علي صندوق الانتخاب علشان تقول أنا عاوزه ده أو مش عاوزه ده ومن هنا بتظهر أهمية **الوعي السياسي** .....

## س ٢ : يعني إيه فهم سياسي ؟

يعني أبقي عارف كويس وفاهم الناس اللي بتحاول تقنعني بوجهة نظرها، علشان أنتخبها فعلا عندها القدرة علي تنفيذ اللي بتقوله، ولا بتقول كلام وخلص علشان توصل للحكم وهل عندهم من الأدوات اللي يقدرنا ينفذوا بيه اللي بيقولوه، وهل الأفكار اللي بيقولوها دي أصلاً هي اللي أنا عاوزها لنفسي ولولادي ولا لأ، وهل الأفكار دي عندها قدرة علي حل مشاكلي فعلاً علي المستوى الشخصي وكمان عندها القدرة علي حل مشاكل المجتمع ككل ( فقر - جهل - مرض ) ولا لأ ..... وأهمية الكلام ده في أنى لـ **إتدربت علي** إنى أختار صح فأنا في كل مره بختار فيها كويس باكسب إضافة جديدة لبيتي وللحى بتاعي ومدينتي أو قريتي ومحافظتي وفي المجمل لبلدي.....بالمناسبة يعني أية بلد ؟

## س ٣ : يعني إيه بلد ؟

من غير ما ندخل في تعقيدات كثير. البلد هي مجموعة من الناس ( شعب ) بيعيشوا مع بعض في مكان ( إقليم ) وبتحكم الناس دي سلطة بتفرض النظام وتخلي كل واحد يآخذ حقه بس ( سلطة ) وده عن طريق **سلطات الدولة** **الثلاث !!!!**

## س ٤ : طب إيه هي سلطات الدولة ؟

الدولة لازم يكون فيها **سلطات** ثلاث علشان تنظم العلاقات بين الناس وبعضها وهي اللي من حقها تاخذ القرارات اللي بتحقق مصلحة الناس وكمان تفرضها بالقوة إذا لازم الأمر علشان الدنيا ما تبقاش سايبية والسلطات الثلاثة دي هي .

## ١. السلطة التشريعية : وهي يعنى ببساطة ممكن تكون

مجلسين وممكن تكون مجلس واحد وهما بيشكلوا "مجلس الشعب والشورى" اللي إحنا بننتخبهم والمجلسين دول لهم وظيفتين، أول وظيفة هي التشريع يعنى بيصدروا لينا القوانين اللي تحل مشاكلنا وتحسن حياتنا، يعنى القانون اللي يقول إن الفعل ده مجرم واللي يعمله يتعاقب وبرده القانون اللي بتصرفي علي أساسه معاشك والقانون اللي بيحدد الشروط اللي بيتوظف بيها ابنك وفي المجمل القانون اللي بيضمن حقوقك بوجه عام، وثاني وظيفة هي مراقبة أعمال الحكومة والتأكد من أنها بتمارس أعمالها مطبوظ، من غير انحراف ويوقفها عند حدها لو تجاوزت .

شفتي أد إيه إن الناس اللي بننتخبهم في مجلسي الشعب والشورى دول لهم دور مهم ولازم نختارهم كويس لأنى زى ما قلت قبل كده، اللي هننتخبهم دول هيجوا يطبقوا أفكارهم سواء القوانين اللي هيطلعوها أو في أعمال الرقابة علي الحكومة، وعلشان كده لازم أتأكد إن أفكارهم مناسبة للي أنا عاوزاه... والانتخاب بيتم على طريقتين إما بالقائمة أو الانتخاب الفردي... والقائمة أنا بنتخب الحزب والفردي أنا بنتخب الفرد .

## ٢. السلطة التنفيذية : وهي تعنى الجهاز الإداري في

الدولة والمسئول عن تطبيق وتنفيذ سياساتها يعنى أفكارها وقوانينها، وبتتكون من رئيس الدولة ورئيس الوزراء والوزراء والمحافظين، وكل التابعين لكل واحد من دول في جهاز الدولة... والسلطة التنفيذية مسئولة أمام مجلس الشعب وأمام المسؤولين اللي اختاروهم .

## ٣. السلطة القضائية : هي المحاكم بكافة

درجاتها ( جزئية - ابتدائية - استئناف - نقض وأيضاً بكافة أنواعها و على وجه